Zeitschrift: Nebelspalter : das Humor- und Satire-Magazin

Band: 76 (1950)

Heft: 23

Werbung

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. Mehr erfahren

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. En savoir plus

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. Find out more

Download PDF: 25.11.2025

ETH-Bibliothek Zürich, E-Periodica, https://www.e-periodica.ch



Chueri und Rägel

«Chueri, häsch au ghöört? De Landjeger heb s Chrischtebertels Xaveri is Schprützehüüsli abgfüert. Er heb em Tokter Gubelmaa Eier zum Hüenerschtall us gschtole.»

«Aber au, wie unziitgemääß!»

«Was? Ich finde das ganz ziitgemäß, was der Xaveri taa hät. Anderi händ scho vil mee gschtole als bloos e paar Eier; tänk doch nu a die Prozäß, wo mer in letschte Mönet ghaa händ und a die, wo erscht no chömed, mit de Bunker und so wiiter.»

«Ich meine ja gar nid de Xaveri. De Landjeger hät unziitgemäß ghandlet. Me schteckt doch en Schelm nid is Loch. Ganz gwüß händ d Amerikaner desäb Profoß des Kapitalismus ufgschtiftlet zu sim unhumane Tue.»

«Chueri, du schpinnsch! De Landjeger, de Kantonspolizischt hät en päcklet, nid en Amerikaner. Der Schrooter het gsee, daß der Xaveri so ticki Hosesäck gha hät und hät en usgnoo.»

«Rägel, du söttisch Babe heiße. Der Xaveri hät doch e nazionali Heldetat begange, nid es Verbräche. — Lueg mi nu nid eso grooß a. Lis lieber, was im Blettli schtaat, dänn weisch, was modärn isch. Da schtaats: Eine kurze Meldung aus Budapest besagt, daß die ungarische Regierung der britischen Gesandtschaft mitteilen ließ, Ungarn könne an britische Bürger keine Kompensationszahlungen für verstaatlichtes Eigentum leisten, da zwischen den beiden Ländern keine Handelsbeziehungen bestünden.»

«Aber was hät das mit em Xaveri z tue?» «He, das isch ganz en gliiche Fall. De Xaveri hät mit em Tokter Gubelmaa keini Handelsbeziehunge me, wil em desääb kei Charesalb und keis Hüeneraugepflaschter abchauft. Drum cha der Xaveri em Tokter die Eier au nid zale. So nimmt ers halt ooni zerscht z frööge oder z määrte.»

«Aber de Xaveri hät doch die Eier nid für de Schtaat gschtole, er häts doch für sich sälber gnoo.»

«Meinsch öppe, der Tokter Gubelmaa tääti si lieber für der Schtaat schtäle laa als für de arm Tüüfel, de Xavi?»

«Nei, allwäg eender umkeert, aber für de Xavi wärs doch ganz öppis anders gsii.»

«Lueg, mer händ das doch scho emaal erläbt, wo d Nazi de Jude iri Gschäft ,arisiert' händ. Da isch irgend en feiße Bonze cho, hät de Jud usegheit, z todgschlage oder is Lager grüert, hät das Hus bezoge und s Gschäft übernoo, und däm hät me ,arisiere' gseit. Meinsch öppe, d Büezer oder di chline Puurli i der Puszta hebed öppis vo dene verschtaatlichte Betrieb? — Nid s Schwarz underem Nagel! De Profit mached die verdiente Funktionär vo de kommunischtische Partei, wo vorhär Handlanger gsi sind und jetzt der Generaldiräkter schpiled mit Villa und Limusine.»

«Magscht rächt ha, Chueri. Aber de Xavi isch halt gliich en Schelm.»

«Das isch ebe der Underschied zwüsched eme Rächtsschtaat und ere Volksdemokratie, daß me bi eus eme Schelm no Schelm seit und nid Genosse Exelänz. Wettisch tuusche, Rägel?»









bletet Ihnen das Grand Hotel Hof Ragaz durch die direkte Verbindung mit den unübertrefflichen Thermal-Kur-Einrichtungen. Thermal-Schwimmbad, Tennis. Fischen, schöne Spazierwege und Ausflüge. Verlangen Sie bitte nähere Auskunft durch Tel. (085) 81505 H. J. Hobi, Dir.





In St. Gallen

Hotel

«Im Portner»

Bar - Restaurant

Bankgasse 12, Tel. 29744 Dir. A. Trees-Daetwyler

In Zürich

Restaurant - Bar

«Schifflände»

Schifflände 20, Tel. 327123

Petit cadre, grande cuisine Hans Buol



Sexuelle Schwächezustände

sicher behoben durch

Strauß-Perlen

Probepackung Fr. 5.—, Original-Schachtel 10.—, Kurpackung Fr. 25.—.

General-Depot: Bahnhof- und Strauf-Apotheke, Zürich 1, Löwenstrafie 59 b, beim Hauptbahnhof.